



Broj:
Datum:

Na osnovu člana 6 stav (3) Zakona o zaštiti od požara Brčko distrikta i člana 171. pod a) Statuta Evropskog univerziteta Brčko distrikt, Upravni odbor na sjednici održanoj 19.07.2012.godine donosi:

PRAVILNIK O ZAŠTITI OD POŽARA

I Opšte odredbe

Član 1.

Ovim Pravilnikom utvrđuju se mjere i radnje koje se poduzimaju u vezi sa organiziranjem, provođenjem, izvršavanjem i unapređenjem zaštite od požara na Evropskom univerzitetu Brčko distrikt (u daljem tekstu: Univerzitet).

Član 2.

Zaštita od požara je od zajedničkog interesa za društvo i cjelinu i organizira se i provodi u svim dijelovima procesa rada i mjestima izloženim požarnoj opasnosti, u obimu i na način kako to uslovljava stepen požarne opasnosti.

Član 3.

Mjere zaštite od požara organizuju se i provode u skladu sa zakonom, propisima donesenim na osnovu zakona, odlukama Skupštine i Vlade Brčko distrikta Bosne i Hercegovine, planom i programom zaštite od požara i ovim Pravilnikom.

Član 4.

Svaki zaposlenik i druge osobe koje se nalaze u radnim prostorijama dužni su se pridržavati mjera zaštite od požara, izvršavati naloge ovlaštenih osoba radi suzbijanja, sprječavanja širenja i gašenja požara, odnosno ukazivanja pomoći i zaštite ljudi i imovine ugroženih požarom.

II MJERE ZAŠTITE OD POŽARA

Član 5.

Mjerama zaštite od požara u smislu ovog Pravilnika, a u skladu sa veličinom objekta, namjenom, djelatnosti koja se obavlja i stepena požarnog opterećenja i požarne opasnosti, smatraju se naročito:

- izbor lokacije i dispozicije objekta, kao i izbor materijala, uređaja, instalacija i konstrukcija kojima će se spriječiti ili minimalizirati mogućnost izbijanja požara;
- izgradnja prilaznih puteva i prolaza;
- osiguranja potrebnih količina vode i drugih sredstava za gašenje požara;
- zabrana upotrebe otvorene vatre i drugih izvora paljenja u objektima i prostorijama u kojima bi zbog toga moglo doći do požara;
- način spašavanja ljudi i materijalnih dobara za slučaj izbijanja požara;
- izvođenje i održavanje električnih i gromobranskih instalacija;
- izvođenje i održavanje instalacija i sudova pod pritiskom;
- izvođenje i održavanje instalacija za čvrsto i tečno gorivo;
- uskladištenje i čuvanje čvrstih i tečnih goriva;
- postavljanje raznih upozorenja, obavještenja i zabrana (za pušenje i sl.);
- održavanje čistoće i redovno uklanjanje otpadaka na određeno mjesto;
- održavanje i obilježavanje prilaza, prolaza i požarnih puteva;
- obilježavanje hidranata i osiguravanje prilaza prema njima;
- osiguranje mjera u toku plinskog i električnog zavarivanja;
- obuka i provjera znanja zaposlenika o mjerama, sredstvima i opremi za gašenje požara;
- organizacija i poduzimanje i drugih mjera koje imaju za cilj lokalizaciju i sprječavanje izbijanja i širenja požara, smanjenje požarne opasnosti i spašavanje ljudi i materijalnih dobara ugroženih požarom.

Član 6.

Mjera zaštite od požara ima se pridržavati i provoditi ih svako u okviru svojih nadležnosti, prava i obaveza (zaposlenici i druge osobe koje se nalaze po bilo kom osnovu u prostorijama Univerziteta).

Član 7.

U svim objektima i radnim prostorijama vrši se redovna kontrola provođenja mjera zaštite od požara, a naročito:

- periodični pregledi ispravnosti električnih instalacija i uređaja i zamjena dotrajalih i neispravnih dijelova sredstava opreme i pribora;
- kontrola ispravnosti, rasporeda i smještaja vatrogasnih aparata, opreme, oruđa i dr.;
- zabrana upotrebe vatrogasne opreme i uređaja u druge svrhe, osim za gašenje požara;
- obučavanje zaposlenika o rukovanju vatrogasnim aparatima i načinima gašenja i spašavanja ljudi i imovine ugroženih požarom;
- određivanje mjesta koja su po svojim svojstvima lahko zapaljiva;
- obilježavanje ulaza, izlaza, prilaza i prolaza;
- zabrana spaljivanja otpadaka i smeća, te loženja vatre na otvorenom prostoru u svim objektima, bez odobrenja nadležnog organa;
- i druge mjere zaštite od požara.

Član 8.

U cilju otklanjanja ili smanjenja opasnosti od nastajanja požara i eksplozije poduzimaju se opšte i posebne mjere zaštite od požara.

Član 9.

- (1) Opšte mjere zaštite od požara određuju se za sva mjesta gdje postoje opšte opasnosti za pojavu požara.
- (2) Posebne mjere zaštite od požara se određuju za mjesta i vrstu poslova kod kojih se zaštita od požara osigurava posebnim mjerama i pravilima.

Član 10.

(Električne instalacije)

- (1) Zabranjeno je postavljanje improvizovanih električnih vodova, krpanje i premošćivanje topivih osigurača-umetaka, skidanje kabliranih prstenova, vođenje vodova kroz zid bez odgovarajuće zaštite, kao i postavljanje priključnih vodova, uređaja i mašina bez odgovarajuće mehaničke zaštite.
- (2) Sve poslove oko održavanja popravki, instaliranja i kontrole električnih instalacija i uređaja mogu vršiti osobe koje imaju odgovarajuću stručnu spremu.

Član 11.

Pri skladištenju različitih materijala u jednom skladištu, materijali moraju biti složeni po vrsti i stepenu požarne opasnosti.

Član 12.

- (1) Prilikom skladištenja materijala, sirovina, ambalaže i sličnog, mora se voditi računa da ne dolazi do dodira sa električnim instalacijama, tijelima za osvjetljenje, prekidačima, utičnicama, te zidovima objekta.
- (2) Najmanja udaljenost pri skladištenju između zidova i objekta razvodnih baterija i sijaličnih mjesta mora iznositi 80 cm.

Član 13.

(Plinska trošila)

- (1) Rukovati sa trošilima plina i plinskim bocama mogu samo zaposlenici koji su za to osposobljeni.
- (2) Plinska trošila i boce pri upotrebi moraju biti u ispravnom stanju.
- (3) Pregled ispravnosti i ispitivanje trošila plina i plinskih boca vrši ovlaštena organizacija.
- (4) Pregled trošila plina, plinskih boca i uređaja i instalacija plina vrši se jedanput godišnje.
- (5) O izvršenim pregledima i ispitivanjima vodi se odgovarajuća evidencija.

III ORGANIZACIJA, NADLEŽNOST, PRAVA I OBAVEZE ZAPOSLENIKA U VEZI ZAŠTITE OD POŽARA

Član 14.

- (1) Organizacija, sprovođenje, izvršavanje i unapređenje mjera zaštite od požara u društvu, u granicama nadležnosti, prava i obaveza utvrđenih zakonskim propisima, ovim Pravilnikom i drugim opštim aktima vrši se preko:
 - Upravnog odbora Univerziteta;
 - referenta zaštite od požara;
 - i svih ostalih zaposlenika koji su u stalnom radnom odnosu na Univerzitetu.

- (2) U izvršavanju zadataka, u smislu stava (1) ovog člana, postoji određen obim nadležnosti, prava i obaveza i stepen odgovornosti, u skladu sa zakonom, propisima donesenim na osnovu zakona, odlukama Skupštine i Vlade Brčko distrikta Bosne i Hercegovine, plana i programa zaštite od požara i ovog Pravilnika.

Član 15.

Upravni odbor Univerziteta:

- donosi Pravilnik o zaštiti od požara;
- donosi odluku kojom se imenuje referent zaštite od požara iz reda zaposlenika Univerziteta i utvrđuje njegove obaveze i dužnosti;
- utvrđuje i donosi plan i program mjera za razvoj i unapređenje mjera zaštite od požara;
- osigurava i odobrava potrebna sredstva za finansiranje provođenja i unapređenja mjera zaštite od požara;
- razmatra i analizira stanje zaštite od požara preko referenta zaštite od požara jedanput u toku godine i donosi odgovarajuće odluke;
- u izuzetnim slučajevima utvrđuje vanredne mjere za zaštitu od požara;
- osigurava primjenu propisa iz oblasti zaštite od požara i provođenje plana i programa mjera zaštite od požara preko referenta za zaštitu od požara i ostalih zaposlenika;
- izdaje rješenja radi provođenja potrebnih mjera zaštite od požara;
- pokreće disciplinski postupak zbog povrede radne obaveze protiv zaposlenika koji ne sprovede propisane mjere zaštite od požara ili se ne pridržavaju uputstava.

Član 16.

Referent zaštite od požara:

- neposredno organizira i rukovodi izvršavanjem mjera zaštite od požara, osigurava provođenje i kontrolira primjenu propisa i mjera zaštite od požara;
- redovno i blagovremeno vrši kontrolu stanja sprava, opreme i uređaja za gašenje požara i kontrolu njihovog smještaja i namjensku upotrebu;
- ukazuje na sve požarne opasnosti u svim prostorijama i o tome daje upozorenja;
- organizira obuku i vrši kontrolu izvođenja obuke u skladu sa programom obuke;
- organizira i vodi odgovarajuću evidenciju o požaru, obuci, kontroli opreme i uređaja za gašenje požara;
- stara se o redovnom ispitivanju i kontroli ispravnosti električnih, plinskih, tečnih i gromobranskih instalacija;
- odgovara za postavljanje natpisa upozorenja zabrana i zabrana unošenja otvorene vatre;
- podnosi prijedlog za pokretanje disciplinskog postupka protiv zaposlenika koji se ne pridržavaju ovog Pravilnika;
- obavlja i druge poslove i zadatke iz oblasti zaštite od požara u skladu sa zakonom i propisima donesenim na osnovu zakona.

Član 17.

(Prava zaposlenika iz oblasti zaštite od požara)

Svaki zaposlenik koji je u radnom odnosu na Univerzitetu ima pravo:

- biti upoznat sa požarnim opasnostima vezanim za njegovo radno mjesto;
- sudjelovati u osiguranju mjera zaštite od požara;
- u izvršavanju radnih zadataka pridržavati se uputa za siguran rad sa stanovišta zaštite od požara;
- steći obrazovanje iz zaštite od požara prema planu i programu obuke;
- zahtijevati da se mjere zaštite od požara provode u okviru izvršavanja radnih poslova i zadataka ukoliko iste nisu sprovedene;
- obratiti se nadležnom organu za zaštitu od požara u svrhu ostvarivanja svojih prava.

Član 18.

(Dužnosti i odgovornosti zaposlenika iz oblasti zaštite od požara)

Svaki zaposlenik koji je u radnom odnosu na Univerzitetu odgovoran i dužan je:

- sudjelovati u gašenju požara i spašavanju ljudi i imovine;
- prijavljivati sve pojave koje bi mogle uzrokovati požar ili eksploziju;
- izvršavati pojedine odluke, naloge i instrukcije vezane za zaštitu od požara;
- čuvati opremu i sredstva za zaštitu od požara;
- raditi duže od punog radnog vremena u slučaju gašenja požara, sprječavanja požara, ili otklanjanja posljedica požara;
- obučiti se iz oblasti zaštite od požara i konstantno se usavršavati u toj oblasti.

Član 19.

(Odgovornost zaposlenika zbog nepridržavanja propisanih mjera zaštite od požara)

- (1) Zbog nepridržavanja propisanih mjera zaštite od požara, zaposlenik odgovara shodno odredbama Pravilnika o radu Evropskog univerziteta Brčko distrikt, ako svojom krivicom ne izvršava ili na drugi način krši obaveze iz zaštite od požara koje su uređene zakonom, propisima donesenim na osnovu zakona, ovim Pravilnikom, opštim ili posebnim aktima organa Univerziteta.
- (2) U smislu stava (1) ovog člana povredom radne obaveze i dužnosti iz oblasti zaštite od požara naročito se ima smatrati sljedeće:
 - neopravdano izostajanje sa obuke provjere znanja iz oblasti zaštite od požara;
 - nesavjesno i nemarno obavljanje radnih obaveza i dužnosti iz oblasti zaštite od požara, naročito ako je požarom izazvana veća materijalna šteta i teže posljedice po život i zdravlje zaposlenika i ostalih lica koja se nalaze na Univerzitetu po drugom osnovu;
 - obavljanje poslova na radnom mjestu sa povećanom opasnošću od požara i pored saznanja da nije osigurana mjera zaštite od požara, zbog čega je nastala veća materijalna šteta, odnosno teža posljedica po život i zdravlje zaposlenika i ostalih lica koja se nalaze na Univerzitetu po drugom osnovu;
 - nesavjestan i nemaran odnos prema sredstvima i opremi za gašenje požara;
 - kršenje propisa i pravila zaštite od požara krajnjom nepažnjom nepridržavanjem ili nepoduzimanjem mjera zaštite od požara.

Član 20.

Zaposlenik koji na radu ili u vezi sa radom, namjerno ili iz krajnje nepažnje, nepridržavanjem ili nepoduzimanjem mjera zaštite od požara prouzrokuje materijalnu štetu, dužan je istu nadoknaditi u punom iznosu.

Član 21.

(Obuka zaposlenika iz oblasti zaštite od požara)

- (1) Svaki zaposlenik koji prvi puta stupa na rad na ovom Univerzitetu ili se raspoređuje na druge poslove i radne zadatke, dužan je da se upozna sa izvorima požarne opasnosti, mjerama zaštite od požara, sredstvima, napravama, uređajima i opremom za gašenje požara, kao i sa načinom upotrebe i rukovanja sa istim.
- (2) Zaposlenika o sadržaju iz stava (1) ovog člana dužan je upoznati referent zaštite od požara.

Član 22.

- (1) Svaki zaposlenik je dužan jednom godišnje prisustvovati obuci, odnosno provjeri znanja iz oblasti zaštite od požara.
- (2) Obuku iz oblasti zaštite od požara vrši referent ili ovlaštena stručna organizacija.
- (3) Referent zaštite od požara odgovoran je za organizaciju i provođenje obuke iz prethodnog stava.

Član 23.

O obuci i provjeri znanja iz oblasti zaštite od požara vodi se evidencija u vidu evidencionih kartona koji se odlažu u personalni dosije svakog zaposlenika.

IV TEHNIČKA OPREMA I SREDSTVA ZA GAŠENJE POŽARA

Član 24.

- (1) Potrebna sredstva i oprema za gašenje požara se nabavljaju u skladu sa obavezama koje proističu iz plana i programa mjera zaštite od požara.
- (2) Predsjednik upravnog odbora i referent zaštite od požara u skladu sa svojim ovlaštenjima utvrđuju mjesto i osiguravaju postavljanje odgovarajućih uređaja, opreme i sredstava za gašenje požara.
- (3) Uređaji, oprema i sredstva za gašenje požara moraju biti ispravni i u svako doba upotrebljivi.

Član 25.

Za gašenje početnih požara osigurava se minimum sredstava za gašenje:

- unutrašnji i vanjski hidrant sa mlaznicom i cijevima odgovarajuće dužine;
- CO2-5 aparati;
- S-6 aparati;
- S-9 aparati;
- Burad od 200 litara vode i kantom.

Član 26.

Redovnu i vanrednu kontrolu ispravnosti opreme, sredstava i uređaja za gašenje požara vrše predsjednik Upravnog odbora Univerziteta i referent zaštite od požara, kao i nadležni inspeksijski organi.

Član 27.

- (1) Aparati za gašenje početnih požara moraju u svako doba biti u ispravnom stanju.
- (2) Ispravnim aparatom smatra se onaj aparat koji je na vrijeme kontrolisan, što se utvrđuje na osnovu etikete o posljednjoj kontroli odgovarajuće plombe.
- (3) Kontrolna etiketa sadrži:
 - vrstu aparata;
 - broj aparata;
 - datum kontrole;
 - štambilj i potpis ovlaštene osobe organizacije koja je vršila kontrolu.
- (4) Povremena kontrola aparata vrši se vizuelno i njome se utvrđuju mehanička oštećenja na aparatima.

V POSTUPAK U SLUČAJU POJAVE POŽARA

Član 28.

Zaposlenik koji primijeti pojavu požara dužan je odmah poduzeti sve potrebne mjere i radnje za suzbijanje i gašenje požara.

Član 29.

- (1) Ako je do pojave požara došlo u toku radnog vremena ili poslije radnog vremena, zaposlenik u smislu člana 28. ovog Pravilnika postupa prema uputstvima o postupku i dužnostima u slučaju pojave požara.
- (2) Uputstvo iz stava (1) ovog člana donosi Upravni odbor Univerziteta.

Član 30.

Fizičko osiguranje objekta Univerziteta obavezno je da primjenjuje i provodi mjere zaštite od požara kontinuirano u svom radu.

VI PRELAZNE I ZAVRŠNE ODREDBE

Član 31.

Ovaj Pravilnik stupa na snagu osmog dana od dana objave.

Član 32.

Izmjene i dopune Pravilnika vrše se na način i po postupku predviđenim za njegovo donošenje.

Predsjednik Upravnog odbora:

Nedeljko Stanković